



საქართველოს საბჭოთა სოციალისტური რესპუბლიკის

მუშათა და გლეხთა მთავრობის

კანონთა და განკარგულებათა კრებული

საქართველოს სსრ სახალხო კომისართა საბჭოს
სამშეთა მმართველობის გამომცემა

1938 წ. მაისის 25

№ 13

თბილისი.

შ ი ნ ა ა რ ს ი

ცენტრალური აღმასრულებელი კომიტეტის დადგენილებანი

57. საქართველოს სსრ უმაღლესი საბჭოს არჩევნებში სხვა მოკავშირე და ავტონომიურ რესპუბლიკათა ამომრჩევლებისათვის ხმის მიცემის უფლების მინიჭების შესახებ.

58. საქართველოს სსრ ტერიტორიაზე სამგზავრო მატარებლებსა, რკინიგზის სადგურებსა და ნავთსადგურებში საქართველოს სსრ უმაღლესი საბჭოს არჩევნების საარჩევნო უბნების შექმნის შესახებ.

სახალხო კომისართა საბჭოს დადგენილებანი

59. თბილისის სახელმწიფო უნივერსიტეტთან არსებული სამეცნიერო-საკვლევო ინსტიტუტების რეორგანიზაციის შესახებ.

60. საქართველოს სსრ სახალხო კომისართა საბჭოში სახალხო კომისარიატების მიერ საკითხების შეტანის შესახებ.

61. იმ დოკუმენტების ნუსხის დამატების შესახებ, რომლებითაც გადახდევინება სწარმოებს სანოტარო ორგანოების სააღსრულებო წარწერების საფუძველზე.

62. თელავის რაიონში 1938 წელს საგაზაფხულო კულტურების თესვის გეგმის შესახებ.

63. 1938 წლის მოსავლის თამბაქოს კონტრაქტაციისა და დამზადების გეგმის შესახებ.

ცენტრალური აღმასრულებელი კომიტეტის დადგენი- ლება

004.0

57. საქართველოს სსრ უმაღლესი საბჭოს არჩევნებში ხსვა მოკავშირე და ავტონომიურ რესპუბლიკათა ამომრჩევლებისათვის ხმისმიცემის უფლების მინიჭების შესახებ.

საქართველოს სსრ ცენტრალური აღმასრულებელი კომიტეტის პრეზიდიუმი ადგენს:

1. საქართველოს სსრ კონსტიტუციის მე-18 მუხლის საფუძველზე საქართველოს სსრ უმაღლესი საბჭოს არჩევნებისას ხმისმიცემის უფლება მიენიჭოთ იმ ამომრჩევლებს, რომელთაც მიუღიათ „ხმისმიცემის უფლების მოწმობა“ ხსვა მოკავშირე და ავტონომიურ რესპუბლიკათა უმაღლესი საბჭოების არჩევნებში მონაწილეობისა იმ შემთხვევაში, თუ ისინი ჩამოვიდნენ საქართველოს სსრ ტერიტორიაზე და წარმოადგინეს პირადობის მოწმობა და „ხმისმიცემის უფლების მოწმობა“.

2. ხსვა მოკავშირე და ავტონომიურ რესპუბლიკათა ამომრჩევლებისათვის, რომლებიც სამთაბაროდ იმყოფებიან საქართველოს სსრ ტერიტორიაზე, მოკავშირე და ავტონომიურ რესპუბლიკათა შესაბამის ცაკთა პრეზიდიუმების ნებართვით შეიძლება შეიქმნას, არანაკლებ 25 ამომრჩევლის რაოდენობით, საარჩევნო უბნები, რომლებიც შევლენ მოკავშირე და ავტონომიური რესპუბლიკის საარჩევნო ოლქში.

საქ. სსრ ც. ა. კ-ის თავმჯდომარე ფ. მახარაძე.

საქ. სსრ ც. ა. კ-ის მდიენის მ. ა. ვ. ბუჯიაშვილი.

1938 წ. აპრილის 27.
თბილისი.

გამოქვეყნებულია გაზ. „კომუნისტის“ 97 №-ში 1938 წ. აპრილის 28, № 261.

004
1938 წლის
11 თვის
11

58. საქართველოს სსრ ტერიტორიაზე სამგზავრო მატარებლებსა, რკინიგზის სადგურებსა და ნავსადგურებში საქართველოს სსრ უმაღლესი საბჭოს არჩევნების საარჩევნო უბნების შექმნის შესახებ.

საქართველოს სსრ ცენტრალური აღმასრულებელი კომიტეტის პრეზიდიუმი ადგენს:

1. მატარებლებში—ბაქო—ბათუმი № 74; ბათუმი—ბაქო № 73; თბილისი—კილასური № 76; კილასური—თბილისი № 75; თბილისი—ბორჯომი უკან დაბრუნებით № 54/53; თბილისი—ბორჯომი № 56; წნორის-წყალი—თბილისი № 66; თელავი—თბილისი № 68; თბილისი—თელავი № 79; ფოთი—ქუთაისი უკან დაბრუნებით № 70/69 დაშვებულ იქნას საქართველოს სსრ უმაღლესი საბჭოს არჩევნების საარჩევნო უბნების შექმნა.

2. ზემოაღნიშნულ მატარებლებში შექმნილი საარჩევნო უბნები მიეწეროს შემდეგ საარჩევნო ოლქებს: ბაქო—ბათუმი № 74—კოლხიდის საარჩევნო ოლქს № 7 (თბილისში); ბათუმი—ბაქო № 73—ბათუმის ფრუნხეს საარჩევნო ოლქს № 221; კილასური—თბილისი № 75—სოხუმის საარჩევნო ოლქს № 198; თბილისი—კილასური № 76—პრადა“-ს საარჩევნო ოლქს № 4 (თბილისში); წნორის-წყალი—თბილისი № 66—საქობოს საარჩევნო ოლქს № 96; თელავი—თბილისი № 68—თელავის საარჩევნო ოლქს № 105; თბილისი—ბორჯომი უკან დაბრუნებით № 54/53—რკინიგზის საარჩევნო ოლქს № 3 (თბილისში); თბილისი—ბორჯომი № 56—რკინიგზის საარჩევნო ოლქს № 3 (თბილისში); თბილისი—თელავი № 79 ვოროშილოვის საარჩევნო ოლქს № 2 (თბილისში); ფოთი—ქუთაისი უკან დაბრუნებით № 70/69—ფოთის ნავსადგურის საარჩევნო ოლქს № 194.

3. საქართველოს სსრ უმაღლეს საბჭოს არჩევნების საარჩევნო უბნების შექმნა დაშვებულ იქნას—თბილისის, ხაშურის, შორაპნის, რიონისა და სამტრედიის რკინიგზის სადგურებში.

4. რკინიგზის სადგურებში შექმნილი საარჩევნო უბნები შევლენ იმ ოლქებში, რომელთა ტერიტორიაზედაც იმყოფება სადგური.

5. დაშვებულ იქნას საქართველოს სსრ უმაღლეს საბჭოს არჩევნების საარჩევნო უბნების შექმნა ბათუმის, ფოთისა და სოხუმის ნავსადგურებში.

6. საქართველოს სსრ უმაღლეს საბჭოს არჩევნების საარჩევნო უბნებს ქმნიან და საუბნო საარჩევნო კომისიებს ამტკიცებენ ის რაიონმასკომები, სარაიონო და საქალაქო საბჭოები, რომელთა ტერიტორიაზედაც მდებარეობენ ხსენებული რკინიგზის სადგურები, ნავსადგურები და ის ოლქები, რომლებზედაც ამ დადგენილებით ესა თუ ის მატარებლები არიან მიწერილი.

საქ. სსრ ც. ა. კ-ის თავმჯდომარე ფ. მახარაძე.

საქ. სსრ ც. ა. კ-ის მდივნის მ. ა. ვ. ეგნატაშვილი

1938 წ. მაისის 25.

თბილისი.

გამოქვეყნებულია გაზ. „კომუნისტის“ 118 №-ში 1938 წ. მაისის 26, № 262.

სახალხო კომისართა საბჭოს დადგენილება

59. თბილისის სახელმწიფო უნივერსიტეტთან არსებული სამედიცინო-საკვლეო ინსტიტუტების რეორგანიზაციის შესახებ.

საქართველოს სსრ სახალხო კომისართა საბჭო ადგენს:

აღინიშნოს, რომ სამეცნიერო-საკვლეო კადრების დაქსაქსეის გამო (შეთავსებით მუშაობა ბევრ ადგილას) სამეცნიერო-საკვლეო მუშაობა სახელმწიფო უნივერსიტეტის კათედრებთან დაყენებულია არადაამაკაყოფილებლად. სახელმწიფო უნივერსიტეტში სამეცნიერო-საკვლეო მუშაობის, აგრეთვე სასწავლო მუშაობის ყოველმხრივ გაუმჯობესების, სამეცნიერო და მასწავლებელთა კადრების რაციონალურად გამოყენების მიზნით და შესაბამისად სსრ კავშირის სახკომსაბჭოს 1937 წლის 11 ნოემბრის დადგენილებისა „უმალღეს სასწავლებლებში“ საშტატო თანამდებობისა და პროფესორ-მასწავლებელთა შემადგენლობის სათანამდებობო განაკვეთების შემოღების შესახებ“, საქართველოს სსრ სახკომსაბჭო ადგენს:

1. მოხდეს ლიტერატურის შოთა რუსთაველის სახელობის სამეცნიერო-საკვლეო ინსტიტუტის, ფიზიოლოგიის ბერიტაშვილის სახელობის ინსტიტუტის, გეოლოგიური, ფიზიკური, გეოგრაფიული სამეცნიერო-საკვლეო ინსტიტუტების რეორგანიზაცია და გაერთიანებულ იქნან ისინი სახელმწიფო უნივერსიტეტის სათანადო კათედრებთან.

2. დაწესდეს სამეცნიერო-საკვლეო ინსტიტუტების რეორგანიზაციის შემდეგი წესი:

ფიზიოლოგიის ინსტიტუტი გაერთიანდეს ფიზიოლოგიის კათედრასთან. გეოგრაფიული ინსტიტუტი—ფიზიკური გეოგრაფიის, კლიმატოლოგიისა და ჰიდროლოგიის, ეკონომიური გეოგრაფიის კათედრებთან.

ფიზიკის ინსტიტუტი—თეორიული ფიზიკის, ექსპერიმენტალური ფიზიკის და სერთო ფიზიკის კათედრებთან.

ლიტერატურის რუსთაველის სახელობის ინსტიტუტი—ძველი ქართული ლიტერატურის, ახალი ქართული ლიტერატურის, ევროპის ლიტერატურის, რუსული ლიტერატურის, აღმოსავლეთის ენების კათედრებთან.

3. ინსტიტუტების ლაბორატორიები, კაბინეტები და მთელი ქონება გადაეცეს სახელმწიფო უნივერსიტეტს.

4. წინადადება მიეცეს სახელმწიფო უნივერსიტეტის დირექციას 1938 წლის 20 აპრილამდე საქართველოს სსრ განათლების სახალხო კომისარიატთან ერთად შეიმუშაოს კათედრების სამეცნიერო-საკვლეო მუშაობის გეგმა.

5. წინადადება მიეცეს საქართველოს სსრ განათლების სახალხო კომისარიატს ფინანსთა სახალხო კომისარიატთან ერთად დააწესოს კათედრების აღმინისტრაციულ-ტექნიკური პერსონალის სათანადო შტატები.

საქ. სსრ ს. კ. ს-ოს თავმჯდომარე ვ. ბაქრაძე.

საქ. სსრ ს. კ. ს-ოს საქმეთა მმართველის მ.დ.ა. რ. კელიძე.

60. საქართველოს სსრ სახალხო კომისართა საბჭოში სახალხო კომისარიატების მიერ საკითხების შეტანის წესის შესახებ.

საქართველოს სსრ სახალხო კომისართა საბჭო ადგენს:

დაწესდეს, რომ ყველა საკითხს, რომელიც საქართველოს სსრ სახკომ-საბჭოს წარედგინება, ხელს უნდა აწერდეს სახალხო კომისარი ან სათანადო დაწესებულების ხელმძღვანელი, ხოლო იმ შემთხვევაში, როდესაც ისინი თბილისში არ იმყოფებიან, მათი პირველი მოადგილე; თუ კი საკითხი მოითხოვს სხვა სახალხო კომისარიატებთან შეთანხმებას ან შეტანილია საქართველოს სსრ სახკომსაბჭოს მიერ გამოყოფილი კომისიისაგან, მას ხელს უნდა აწერდეს კომისიის ყველა წევრი და ის პირნი, რომელნიც სათავეში უდგანან სათანადო სახალხო კომისარიატს (დაწესებულებას).

საქ. სსრ ს.კ.ს-ოს თავმჯდომარე ვ. ბაქრაძე.

საქ. სსრ ს.კ.ს-ოს საქმეთა მმართველის მ.დ.ა. რ. ჰელიძე.

1938 აპრილის 23 № 491.

თბილისი.

61. იმ დოკუმენტების ნუსხის დამატების შესახებ, რომლებითაც გადახდევინება სწარმოებს სანოტარო ორგანოების სააღსრულებო წარწერების საფუძველზე.

1. საქართველოს სსრ სახალხო კომისართა საბჭო ადგენს:

საქართველოს სსრ სახალხო კომისართა საბჭოს 1932 წლის 23 მაისის დადგენილების ა. კარს „იმ დოკუმენტების შესახებ, რომლებითაც გადახდევინება სწარმოებს სანოტარო ორგანოების სააღსრულებო წარწერების საფუძველზე“ (საქ. სსრ კან. კრ. 1932 წ. № 15 მუხ. 126, № 21 მუხ. 208, № 24 მუხ. 256; 1933 წ. № 1, მუხ. 26; 1934 წ. № 1 მუხ. 35; № 14, მუხ. 138; № 25, მუხ. 199; № 33, მუხ. 254; 1935 წ. № 5, მუხ. 32; № 32, მუხ. 206, 207; 1936 წ. № 7, მუხ. 52; № 12 მუხ. 76; № 23 მუხ. 140; № 34, მუხ. 207; 1937 წ. № 1, მუხ. 8; № 2, მუხ. 15; № 13, მუხ. 98) დამატოს პუნქტი 39 შემდეგი შინაარსისა:

39) იმ დოკუმენტებით, რომლებიც ადასტურებენ სასწავლებლების მიერ დახმარების მიცემას უმაღლეს სასწავლებლებსა, უმაღლეს ტექნიკურ სასწავლებლებსა და ტექნიკუმებში კურსდამთავრებულ ახალგაზრდა სპეციალისტებისათვის, თანახმად სსრ კავშირის ცაკისა და სახკომსაბჭოს 1930 წლის 16 სექ-



ტემბრის დადგენილებისა „უმაღლესი სასწავლებლების, ტექნიკუმებისა და მუშა-ფაკების მოსწავლეთა მატერიალური უზრუნველყოფისა და უმაღლეს სასწავ-ლებლებსა და ტექნიკუმებში კურს დამთავრებულთა სამუშაოზე გაგზავნის წესის შესახებ (სსრკ კან. კრ. 1930 წ. № 47 მუხ. 488) იმ პირობებით, თუ წარმო-დგენილ იქნა:

- ა) ცნობა სტუდენტის მიერ უმაღლესი სასწავლებლის დამთავრების შესა-ხებ, ბ) ცნობა, რომ კურსდამთავრებული სამუშაოდ გაიგზავნა მევალის საწარ-მოსა ან დაწესებულებაში, გ) ცნობა მიცემული დახმარების რაოდენობის შე-სახებ, დ) ასლი მევალის უწყებისა მის ანგარიშზე გაცემული დახმარების შე-ტანის შესახებ და ე) დაწესებულების ან საწარმოს ცნობა, რომ სპეციალისტი გამოცხადდა სამუშაოზე საგზაურით.

საქ. სსრ ს.კ.ს-ოს თავმჯდომარე ვ. ბაქრაძე.

საქ. სსრ ს.კ.ს-ოს საქმეთა მმართველის მ.დ.ა. რ. ქელიძე.

1938 წ. აპრილის 23. № 498.

თბილისი

62. თელავის რაიონში 1938 წელს საგაზაფხულო კულტურების თესვის გეგმის შესახებ.

საქართველოს სსრ სახალხო კომისართა საბჭო აღგენს:

1. მიღებულ იქნას საქართველოს სსრ ნიწსახკომის წინადადება:

ა) შემცირდეს თელავის რაიონისათვის საქართველოს სსრ სახკომსაბჭოს 1938 წლის 8 თებერვლის დადგენილებით „1938 წლისათვის ძირითად სა-სოფლო-სამეურნეო სამუშაოთა სახელმწიფო გეგმის შესახებ“ (საქ. სსრ კან. კრ. 1938 წ. № 3, მუხ. 12) დაწესებული გეგმა საკოლმეურნეო სექტორში სა-გაზაფხულო კულტურების თესვისა (წინა წლების ბალახების გამოკლებით) 3.383 ჰექტარით;

ბ) გადიდდეს ნათესები კოლმეურნეთა საკარმიდამო ნაკვეთებზე 800 ჰექ-ტარით და ერთპიროვნულ მეურნეობებში თესვის გეგმა 768 ჰექტარით;

გ) რაიონში საგაზაფხულო კულტურების თესვის მოხსნილი გეგმის ხარჯ-ზე—1815 ჰექტ. გადიდდეს სიმინდის ნათესები ძემდეგი რაიონების კოლმეურ-ნეობებში:

გორის რაიონში	200 ჰექტ.
გურჯაანის	„	60 „
სიღნაღის	„	250 „

ყვარლის რაიონში	100 ჰექტ.
ბორჩალოს "	130 "
ლუქსემბურგის "	80 "
აღბულახის "	100 "
საგარეჯოს "	200 "
ცხაკაიას "	70 "
წულუკიძის "	80 "
ჩხარის "	90 "
ჭიათურის "	70 "
ორჯონიკიძის "	50 "
ცაგერის "	50 "
ბაღდათის "	60 "
გეგეჭკორის "	25 "
ხობის "	50 "
წალენჯიხის "	50 "
ლანჩხუთის "	50 "
მახარაძის "	50 "

2. წინადადება მიეცეს გორის, გურჯაანის, სიღნაღის, ყვარლის, ბორჩალოს, ლუქსემბურგის, აღბულახის, საგარეჯოს, წულუკიძის, ცხაკაიას, ჩხარის, ჭიათურის, ორჯონიკიძის, ცაგერის, ბაღდათის, გეგეჭკორის, ხობის, წალენჯიხის, ლანჩხუთის და მახარაძის რაიონმასკომებს დაუყოვნებლივ დაიყვანონ კოლმეურნეობებამდე ამ დადგენილებით დაწესებული დამატებითი გეგმა სიმინდის თესვისა და უზრუნველჰყონ მისი უცილობლივ შესრულება.

საქ. სსრ ს. კ. ს-ოს თავმჯდომარის მოადგილე ვ. დეკანოზოვი

საქ. სსრ ს.კ.ს-ოს საქმეთა მმართველის მ.დ.ა. რ. კელიძე.

1938 წ. მაისის 10. № 633.

თბილისი.

63. 1938 წლის მოსავლის თამბაქოს კონტრაქტაციისა და დამზადების გეგმის შესახებ.

საქართველოს სსრ სახალხო კომისართა საბჭო ადგენს:

1. საქართველოს სსრ-ში 1938 წლის მოსავლის თამბაქოს კონტრაქტაციისა და დამზადების გეგმა, რაც დაწესებულია სსრ კავშირის სახკომსაბჭოსთან არსებული ეკონომიური საბჭოს 1938 წლის 28 აპრილის დადგენილებით— 15.554 ტონის რაოდენობით, განაწილდეს ავტონომიური რესპუბლიკებსა და რაიონებს შორის რაოდენობისა და ასორტიმენტის მიხედვით, თანახმად დანართისა № 1.

2. 1938 წელს თამბაქოს დარგვის საერთო გეგმის ფარგლებში განაწილებულ იქნას 50 ჰექტარი სასიგარე თამბაქო, აქედან:

აფხაზეთის ასსრ	40 ჰექტარი
აქარის ასსრ	5 "
ზუგდიდის რაიონში	5 "

3. წინადადება მიეცეს აფხაზეთისა და აქარის ასსრ ცენტრალურ აღმასრულებელ კომიტეტებს დააწესონ თამბაქოს კონტრაქტაციის გეგმა მეთამბაქოობის ცალკეული რაიონების მიხედვით, ხოლო მეთამბაქოობის რაიონების რაიონსაკომებმა მოახდინონ დაკონტრაქტებული თამბაქოს ჩაბარების საშუალო რაიონული ნორმებისა და ასორტიმენტის დიფერენციაცია ცალკეული კოლმეურნეობების მიხედვით, ხოლო ერთპიროვნულ მეურნეთა მიმართ—ცალკეულ სასოფლო საბჭოების მიხედვით იმ ანგარიშით, რომ 1 ჰექტარიდან თამბაქოს ჩაბარების ნორმები ერთპიროვნულ მეურნეობებში იყოს კოლმეურნეობათა ჩაბარების ნორმებზე 10% მეტი.

4. ერთი ტონა დაკონტრაქტებული თამბაქოსთვის ფულადი საკონტრაქტაციო ავანსის ოდენობა დაწესდეს აფხაზეთის ასს რესპუბლიკისათვის—1700 მან. ტონაში, ხოლო საქართველოს სსრ დანარჩენი რაიონებისათვის—980 მანეთი „ტრაპიზონის“ თესლის თამბაქოში და 1.202 მანეთი „სამსუნის“ თესლის თამბაქოში.

წინადადება მიეცეს აფხაზეთის და აქარის ასსრ ცენტრალურ აღმასრულებელ კომიტეტებს დააწესონ ფულადი ავანსების ოდენობა ცალკეული რაიონებისა და ბოტანიკური ჯიშების მიხედვით, ხოლო მეთამბაქოობის ყველა რაიონის რაიონსაკომებმა დააწესონ ავანსების მიცემა კოლმეურნეობებისათვის 30% მეტი, ვიდრე ერთპიროვნული მეურნეობისათვის.

საქართველოს სსრ-ში თამბაქოს კონტრაქტანტთა ფულადი ავანსირების საერთო გეგმა განისაზღვროს 20980,4 ათასი მანეთის რაოდენობით, აქედან აფხაზეთის ასს რესპუბლიკაში—13178,4 ათასი მან., თანახმად დანართისა № 2.

დაწესდნენ საქართველოს სსრ მეთამბაქოობის ყველა რაიონისათვის ფულადი ავანსების გაცემის შემდეგი ვადები: 1938 წლის მაისში ხელშეკრულების ხელმოწერისას და დარგვის დროს—60%, 1938 წლის ივნის—აგვისტოში მოსავლის ასაღებად და დასამუშავებლად (ფართობების გაზომვის და გამარგვლის, თავის გატეხვისა და გაფუჭების ჩატარების შემოწმების შემდეგ)—ავანსის საერთო თანხის—40%.

5. შენარჩუნებულ იქნას 1938 წლისათვის 1937 წელს მომქმედი ხარისხობრივი დასამზადებელი ფასები, ჯილდო—წანამატების გაცემის წესი და საკონტრაქტაციო ფულადი ავანსების დაფარვის პირობები.

საქართველოს
საქართველოს
საქართველოს

6. წინადადება მიეცეს საქთამბაქონედლეულს გაითვალისწინოს საკონტრაქტაციო ხელშეკრულებებში თამბაქოს ჩაბარების შემდეგი ვადები თვეების მიხედვით:

(წლიური გეგმის %/0-ით)

	1938 წ. 10 სექტემბრიდან.	1938 წ. ოქტომბერი	1938 წ. ნოემბერი	1938 წ. დეკემბერი	1939 წ. იანვარი	1939 წ. თებერვალი	1939 წლის 15 მარტამდე
საქ. სსრ რაიონებისათვის (აფხაზეთის ასსრ გამოკლებით) . . .	10	12	15	20	25	18	—
აფხაზეთის ასსრ რაიონებისათვის	—	10	15	20	25	25	5

7. ხარისხობრივი რაიონირების კონტროლის მიზნით, დაევალოს საქართველოს სსრ მიწსახკომს და საქთამბაქონედლეულს შემოიღონ თამბაქოს მთელი სამრეწველო დარგის სამინდრე აპრობაცია, 1938 წლის დარგით დაწყებული.

8. დაშვებულ იქნას საქართველოს სსრ მეთამბაქოების რაიონებში (აფხაზეთის ასსრ გამოკლებით) IV, V ხარისხის „ტრაპიზონის“ თამბაქოს მიღება ზონარობრივი დამუშავებით.

9. დაევალოს საქთამბაქონედლეულს დაამთავროს თამბაქოს კონტრაქტაცია 1938 წლის 25 მაისისათვის.

იმის გამო, რომ არახელსაყრელი იყო 1937 წლის მოსავლის თამბაქოს მაჩვენებლები, განსაკუთრებით ხარისხის მხრივ, საქართველოს სსრ სახალხო კომისართა საბჭო, აფხაზეთის და აჭარის ასსრ ცენტრალურ აღმასრულებელ კომიტეტების, მეთამბაქოების რაიონების რაილმასკომების, აგრეთვე სამიწათმოქმედო და დამამზადებელი ორგანიზაციების ძირითად ამოცანად სახავეს ყველა აგროტექნიკური ღონისძიების, კერძოდ თამბაქოს აღებისა და მოსავლის აღების შემდეგ დამუშავების (გახმოვა) დროულად და ხარისხობრივად ჩატარების საფუძველზე, მიაღწიონ 1938 წელს თამბაქოს რაოდენობრივ და ხარისხობრივ მაღალ მაჩვენებლებს.

საქ. სსრ ს.კ.ს-ის თავმჯდომარის მოადგილე ვ. დეკანოზოვი.

საქ. სსრ ს.კ.ს-ის საქმეთა მმართველის მ.დ.ა. რ. ქელიძე.

1938 წ. მაისის 10. № 636.

თბილისი.

საქართველოს სსრ-ში 1988 წლის მოხვედრის თამბაქოს კონტრაქტაციისა და დამზადების

გ ე გ მ ა

ავტონომიური რესპუბლიკებისა და რაიონების დასახელება	დაფიქსირებული თიხის (ტყე) აიხის რაოდენობა	I კატეგორიის (აქვეტენი) მანქანების რაოდენობა	II კატეგორიის (აქვეტენი) მანქანების რაოდენობა	ა კ ე მ ა ნ									
				I ზარისში		II ზარისში		III ზარისში		IV ზარისში		V ზარისში	
				ტონა	%	ტონა	%	ტონა	%	ტონა	%	ტონა	%
1. აფხაზეთის ასსრ	11400	6,8	7752	38,8	0,5	310,1	4,0	1713,2	22,1	5147,3	66,4	542,6	7,0
2. აკარას ასსრ	800	6,7	536	3,8	0,7	21,4	4,0	112,6	21,0	344,6	64,3	53,6	10,0
3. ლაგოდეხის რაიონი	3310	9,7	3211	18,8	0,6	119,6	3,7	696,8	21,7	2078,3	64,7	297,5	9,3
4. სიღნაღის "	1400	8,4	1176	3,5	0,3	23,5	2,0	188,2	16,0	831,4	70,7	129,4	11,0
5. ყვარლის "	450	8,2	369	0,7	0,2	4,8	1,3	40,6	11,0	278,6	75,5	44,3	12,0
6. გურჯაანის "	150	8,0	120	0,1	0,1	1,5	1,2	9,6	8,0	93,3	77,7	15,5	13,0
7. ბორჩალოს "	2145	7,8	1666	1,7	0,1	8,3	0,5	116,6	7,0	1239,5	74,4	299,9	18,0
8. ლესქემბურგის "	470	7,3	343	0,3	0,1	1,7	0,5	24,0	7,0	255,2	74,4	61,8	18,0
9. ზუგდიდის "	220	6,0	132	0,9	0,7	5,3	4,0	21,0	16,0	92,9	70,3	11,9	9,0
10. ჩხოროწყუს "	100	5,0	50	0,2	0,5	1,0	2,0	8,0	16,0	86,3	72,5	4,5	9,0
11. ჩობატაღრის "	355	5,6	199	1,2	0,6	8,0	4,0	31,8	16,0	140,1	70,4	17,9	9,0
სულ საქართველოს სსრ-ში	20800	7,48	15554	70,0	0,45	505,2	3,25	2962,4	19,05	12590,1	67,75	1478,9	9,5
აქედან საქ. სსრ რაიონებში (აფხაზეთის ასსრ გამოკლებ.)	9400	8,3	7802	31,2	0,4	195,1	2,5	1249,2	16,0	5390,2	69,1	936,3	12,0

მეგზა 1988 წლის მოხაველის თამბაქოს კონტრაქტანტთა ფულადი ავანსირებისა

ავტ. რესპუბლიკებისა და რაიონების დასახელება	კონტრაქტის გეგმა (ტონი- ბით)	ა ქ ე დ ა ნ		საკონტრაქტ. ავანსის ოდენ. (ერთ ტონაში)		აღიქმედი ფულადი ავანსი (მლნ. რუბლ.)	ა ქ ე დ ა ნ	
		ტრაპი- ზონი	სამსუნი	ტრაპი- ზონი	სამსუნი		1988 წ.	1988 წ.
							II კვარტ.	III კვარტ.
აფხაზეთის ასსრ	7752,0	—	—	—	—	13178,4	7907,0	5271,4
აკურას ასსრ	536,0	214,4	321,6	980	1202	596,7	358,0	238,7
ლაგოდეხის რაიონი	3211,0	3211,0	—	980	—	3146,8	1888,1	1258,7
სიღნაღის "	1176,0	1176,0	—	980	—	1152,5	691,5	461,0
ყვარლის "	369,0	369,0	—	980	—	361,6	216,9	144,7
გურჯაანის "	120,0	120,0	—	980	—	117,6	70,6	47,0
ბორჩალოს "	1666,0	1666,0	—	980	—	1632,7	979,6	653,1
ლესეხბურგის "	343,0	343,0	—	980	—	336,2	201,7	134,5
ზუგდიდის "	132,0	—	132,0	—	1202	159,7	95,2	63,5
ჩხოროწყუს "	50,0	—	50,0	—	1202	60,1	36,1	24,0
ჩოხატაურის "	199,0	—	199,0	—	1202	239,1	143,5	95,6
სულ საქართველოს სსრ-ში აფხაზეთის ასსრ გამოკლებით	7802,0	7099,4	702,6	980	1202	7802,0	4681,2	3120,8
სულ საქართველოს სსრ-ში	15554,0	—	—	—	—	20080,4	12588,0	8392,4

ჩაბარდეს პირველ რიგში
ხელწერილის ქვეშ

ეროვნული
ბიბლიოთეკა

ფახი 20 კაპ.

გამომცემელი საქ. ხსრ ხ. კ. ხ-ოს 1938 წ. № 26 პ/მ. რედაქტორი. შალვაშია
საქმ. მმართველობა

ქალაქის ფორმატი 62X94 სმ; 3/4 ბეჭდვ. ფურც.; 1 ბეჭდვ. ფურც. 48,500 სტამბ. ნიშანი.
გადაეცა სტამბას 31/V 1938 წ. ხელმ. დასაბეჭდად. 27/VI. ტირაჟი 2000

მთ. რწმ. № 2965 საქ. სახ. კომ. საბჭოს საქმ. მმართ. სტამბა, თბილისი. დაკვ. № 652